

知聖道齋讀書跋
經籍跋文



知不足齋叢書
經學叢書
大



經
籍
跋
文

陳
鱣
著

中
華
書
局

予與簡莊孝廉，少日皆酷嗜書籍，購置不遺餘力。凡經史子集得善本，輒互相傳觀，或手自校勘相質。蓋數十年如一日云。予性懶質鈍，爲學多雜而不專，投老無成。簡莊精敏果銳，強于記誦，而能專意于經學，又克廣攬窮蒐，今觀所撰諸經跋文，鉤深索隱，凡古本之爲後之妄人竄亂芟併者，莫不審攷其原來次第，而字之更改淆混者，一一較正，令人復得見本來面目，不其偉而傳曰博學之，審問之，慎思之，明辨之，又曰友直，友亮，友多聞，簡莊生平善于音注，在中吳尤與錢辛楣宮詹、周猗唐明經、黃莫圃主事往復研究，故閱善本而悉品論其是非，靡不精核有如此也。癸酉十月二十日，吳騫志，時年八十有一。

經籍跋文目錄

宋版周易注疏跋

宋咸淳本周易本義跋

宋本書集傳跋

元本毛詩注疏跋

宋本儀禮注跋

宋本禮記注疏跋

宋本春秋經傳集解跋

宋本論語音義跋

宋本爾雅疏跋

宋本四書跋

宋本周易集解跋

宋本尚書孔傳跋

宋本毛詩跋

宋本周禮注跋

宋本禮記注跋

元本禮記集說跋

宋本穀梁傳單行疏跋

宋本孝經注跋

宋本孟子音義跋

經籍跋文

海昌陳鱣仲魚氏著

宋版周易注疏跋

孔穎達等周易正義據序云十有四卷。新唐書藝文志及郡齋讀書志同。惟直齋書錄解題作十三卷。引館閣書目亦云今本止十三卷。按序所云十有四卷者蓋兼略例一卷而言。若正義原本止十三卷舊唐書經籍志誤作十六卷後皆作十卷又爲妄人所并也。原本單疏並無經注正經注語惟標起止而疏列其下注疏合刻起于南北宋之間至于音義舊皆不列本書附刻音義又在慶元以後卽九經三傳沿革例所謂建本有音釋注疏是也。以其修版至明正德間止亦得正德本以其每半葉十行又謂之十行本。然它經音義附于每節注後疏前獨周易總附于末卷之後故題爲周易兼義而不併附音。若夫注疏初合刻本則并不附。今世通行者曰閩本曰監本曰毛本每半葉皆九行鱣向藏十行本已爲罕有。今秋從吳賈得宋刻大字本十三卷每半葉八行行十九字皆頂格經下夾行注有注云二字注下作大字陰文疏字仍夾行先整釋經文然後釋注再接大字經文其款式與日本山井鼎七經孟子攷文所據宋本一脗合。書中避敬恆貞恆等字而不避慎字間有避慎字者審係修版疑卽沿革例所謂紹興初監本一刷印則在乾道淳熙間也。楮墨精良古香可愛每葉楮背有習說書院四字長印未知所在。每卷首有孫修景芳印似係明人其經文如今本坤象傳應地無疆此作无疆大有象傳明辨晬也此作辯晬顧象傳

自求口食。此作口實。解象傳。而百果草木皆甲拆。此作甲坼。繫辭傳。其受命也如嚮。此作如響。其孰能與於此哉。此無於字。力小而任重。此作力少。辨是與非。此作辯是。兼三才而兩之。此作三材。下三才同。序卦傳。傷於外者必反其家。此作於家。雜卦傳。蠱則飭也。此作則飾。俱與唐石經合。顧亭林石經攷。以力少爲誤。錢辛楣辨之。甚當。攷集解本。作力少。荀子儒效篇。是猶力之少而任重。景祐本漢書王莽傳。自知德薄位尊。力少任大。後漢書朱馮虞鄭周傳。贊注引易。亦作力少。三國志王修傳。注引魏略。力少任重。今得宋本作力少。尤可證俗間傳刻之失。其注疏中可以勘今本之脫誤。更復不少。卽如咸象傳疏一段。凡一百一字。今本全脫。宋本之足寶貴如此。惜缺其首卷。復從吳中周猗唐明經借影宋鈔十三卷本。前有五經正義表。係錢求赤手校。覓善書者補全。自謂生平幸事。錢校本題識。并附錄焉。

宋本周易集解跋

周易集解十卷。影宋寫本。首題易傳卷第幾。下題李氏集解。今所行十七卷本。作周易集解。下云唐資州李鼎祚輯。非其舊也。前列易傳序。稱祕書省著作郎臣李鼎祚序。次載晁公武書。又次李燾書。又次鮮于侃書。又次侃子申之書。未附易傳略例。後載計用章序。每葉十六行。行十八字。自乾坤二卦以外。卦爻下俱列某宮某月二世等字。作三行。凡遇貞恆等字。俱缺筆。以今汲古閣刻本校之。經文如文言傳。可與言幾也。今無言字。噬嗑象傳。先王以明罰敕法。今作敕法。大壯象傳。不詳也。今作不祥。晉六五。失得勿恤。今作矢得。象傳同。夬九四。其行次且。今作趨。起象傳及姤九三。同萃象傳。五假有廟。今作王假。豐象傳。月盈

則食。今作則蝕。象傳天際祥也。今作天降。繫辭傳其孰能與此哉。今與下衍於字。易之以棺槨。今作棺槨。一致而百慮盡也。今無盡也二字。皆以宋本爲長。至于集解開卷第一條。故曰乾元亨利貞矣。今脫乾字。第二條。故曰勿用矣。今脫矣字。其餘甚多。凡引于寶曰。今通作于寶。余別有致。鼎祚自序。本云凡成一十卷。中興書目亦作十卷。新唐書藝文志作十七卷。晁公武云。唐錄稱鼎祚書十七卷。今所有止十卷。而始末皆全。無所亡失。豈後人并之邪。李燾亦云。據鼎祚自序。止云十卷。又首尾俱全。初無亡失。不知唐史何所據。而云十七卷也。崇文總目及邯鄲圖書。遂稱七篇逸。蓋承唐史之誤。按明嘉靖三十六年。朱睦㮮刻此書。尙作十卷。崇禎間。毛晉汲古閣所刻。乃作十七卷。又改序中一十卷爲一十八卷。以合附錄略例一卷之數。而略例仍未之附。尤可笑者。第十五卷止于知之未嘗復行也。而第六卷始于易曰不遠復。以經文之一節岐置二卷。抑何冒昧至此。蓋李氏自序中。本有別譌索隱之語。宋志五行類。有李鼎祚易體三卷。目一卷。瓶子記三卷。當卽其所別譌者。或附于集解後。合之正十七卷。故唐志綜其所譌述而言。晁李諸家俱未深究原委耳。集解自北宋慶曆四年。臨卽計用章。屬所親眉陽孫景初募工刊刻。南宋乾道二年。資中郡守鮮于侃刻之。學官嘉定五年。倪子申之以版復荒老。且字小。不便于覽者。乃將大字刻之。漕司此卽從嘉定本影寫者。用明時戶口冊籍紙。上有嘉靖伍年等字。既薄且堅。反而印格摹寫。工整絕倫。鐵豪無誤。前有毛裛字。藝伯號質庵印。裛卽毛晉之長子。知爲汲古閣藏書。裝潢極精。以墨箋爲面。背藏經紙作鐵。殆所謂宣綾包角藏經箋也。凡十冊。每冊黏鐵猶是舊題。攷毛扆斧季汲古閣祕書目。以此居

首注云。宋版影鈔。定價銀五兩。以呈潘稼堂。又不知幾易主。後爲潢川吳氏所有。嘉慶十一年十月。吳闔陶氏五柳居書肆。持以相視。索直十兩。余正擬購得。黃君蕘圃已先知之。急遣人來。攜首冊而去。未幾。蕘圃臥病。然猶持書不釋。余欲其速愈也。因讓之。乃竟如其直買之。病果起。遂以香枴製櫝而藏。是冬除夕祭書。此其首列。次年。余借校未畢。將赴試禮部。聞蕘圃不赴。請以二十金易書于余。而彼有難色。且恐余身歷宦途。它日歸取或難。竟促歸。蕘圃爲跋于後。及余罷舉言旋。復借校竣。直至殘臘方還。愛書之念。猶然耿耿。越二年。余將自吳返里。蕘圃適有所需。乃以三十金購之。較汲古原價已加五倍。然斧季固云。精鈔之書。每本有費四兩之外者。今不敢多開。所謂裁衣不值緞子價也。則此三十金似不爲過。余故終感良友之能遂厥初心。獲此至寶。誓欲重爲摹刻。以廣流傳。而力少未能。姑俟異日。獨怪毛氏既有是書。而所刊之本。絕不相照。豈付梓時。猶未獲此書邪。又有盧氏雅雨堂刻本。爲惠定宇臆改百六十餘處。與宋本校對。時多乖違。且如豫卦。集解。豫皆作逸。乃避代宗諱。以故晁公武云。集解皆避唐諱。今雅雨堂本。盡改逸字作豫。是亦弗思之甚。更不可爲典要矣。

宋咸淳本周易本義跋

向從吳中顧氏。得宋版周易本義十二卷。精美無比。有跋刻于綴文。又從吳中袁氏。得幡宋刊周易本義。其卷帙次序。悉同宋版。惟字樣較大。每葉十二行。行十五字。其經文。如比初六。終來有它吉。不作有他。否九五。繫于苞桑。不作包桑。井九五。井冽寒泉食。不作井冽。坤象傳。應地无疆。不作無疆。頤象傳。自求口實。

不作口食。繫辭傳失得之象也。不作得失。其受命也如響。不作如響。何以守位曰人。不作曰仁。男女構精。不作構精。兼三材而兩之故六。不作三才。下句同。序卦傳傷於外者必反於家。不作其家。決必有遇。有下無所字。雜卦傳豐多故。下無也字。俱與宋版相合。而可以證俗間通行本之誤。至于雜卦傳。遭遇也不作姤則。此本遇尤勝。攷說文無姤字。徐鉉新附乃有之。爾雅釋詁。遘遇也。易姤釋文。古豆反。薛云。古文作遘。鄭同。馮椅易輯云。古文姤作遘。遇也。亦婚媾也。王注易改爲今文。爲姤。雜卦猶是古文。鄭本同。蓋雜卦以無王注。故未及改。唐石經及宋相臺岳氏本皆作遘。流俗相承。盡改爲姤。遂不復知本義原本矣。若夫注之勝今本處。已見前跋。錢詹事潛研堂集。宋咸淳本周易本義跋。亦詳言之。是本爲九江吳革刊。敷原劉宏校。前有革序。稱咸淳乙丑立秋日。按乙丑爲度宗咸淳元年也。宋有三吳革。一字義夫。華州華陽人。宋初勳臣廷祚七世孫。官至武功大夫閣門宣贊舍人。死宣和之難。詳見宋史忠義傳。一紹興初江西運制見繫年錄。一江州人。景定四年四月。以權發遣戶部判官兼知臨安府事。六月。轉朝奉大夫。九月。除司農少卿。仍兼十一月。兼勅令所刪修官。五年七月。罷。見咸淳臨安志。革曾于淳祐中爲錢唐令。尋通判臨安府。見嘉靖浙江通志。咸淳元年與景定五年。僅越一年耳。序云。昨刻程傳于章貢郡齋。今敬刊本義于朱子故里。蓋亦窮經好古之士。或謂卽宣和殉難之吳革。大非是本。雖係幡影。而字畫工緻。紙墨精良。洵堪悅目。又曹寅刻于揚州者。卽此本。而改其行款。縮爲小字密格。與之相較。不已懸殊乎。

宋本尙書孔傳跋

尙書孔傳十二卷。宋刻巾箱本。題曰蔡本。點校重言、重意、互注。尙書卷第一次行。頂格題堯典第一。越五格題虞書。又越三格題孔氏傳。每葉二十行。行三十字。以今本校之。如大禹謨。降水傲予。不作洛水。奉辭罰罪。不作伐罪。夔夔齋栗。不作齊慄。益稷。放虐是作。不作傲虐。禹貢。北過降水。不作洛水。東迤北會于匯。不作爲匯。五子之歌。懷乎若朽索之馭六馬。不作凜乎。峻宇雕牆。不作彫牆。伊訓。檢身若不及。不作撿身。太甲中。視乃厥祖。不作烈祖。咸有一德。厥德匪常。不作靡常。盤庚上。則惟汝衆自作弗靖。不作爾衆。盤庚中。乃祖先父。丕乃告我高后。曰。不作乃父。說命上。台恐德弗類。不作惟恐。武成。師逾孟津。不作師渡。洪範。明作哲。不作作哲。旅獒。太保乃作旅獒。不作大保。酒誥。厥心疾很。不作疾狠。多士序。周公以王命。詰作多士。不作命告。今爾又曰。不作其曰。天休滋至。不作茲至。君牙。亦惟先王之臣。不作先正。呂刑。度作刑。以詰四方。不作以詰。其罪惟鈞。不作惟均。文侯之命。卽我御事。不作旣我。汝克昭乃顯祖。不作克紹。費誓。勿敢越逐。不作無敢。皆與唐石經及宋相臺岳氏本合。其孔傳之勝于今本處。不可殫述。所附釋文。亦可校正。近刻。凡遇恆、桓、慎、敦等字。皆缺筆。似是紹熙以前所刊。按王德甫司寇春融堂集。有宋刻周禮跋云。宋版小本。有重言重意者。又宋本春秋左傳跋云。長四寸餘。寬不及三寸。題云蔡本。附音重言重意。春秋經傳俱與是。本體格相同。蓋宋時蔡本羣經並刻。九經三傳沿革例云。蔡州舊本。卽蔡所從出也。每冊前後有彭城蔡般氏讀書長方印。又有傳家一卷帝王書。圓印。知爲錢氏舊藏。余得之吳閩書肆。首尾完善。影鏤精良。小可納懷。殊便展玩。惜乎司寇已歸道山。不及共賞耳。

宋本書集傳跋

書集傳六卷。宋刻本。每葉十六行。行十七字。首題書卷第一。晦庵先生訂定。門人蔡沈集傳。餘卷止題蔡沈集傳四字。與前序云二典禹謨先生蓋嘗是正之言合。此其原式。今本第一卷刪去晦庵先生訂定六字及門人二字。殊失本來面目。集傳本無音。前序亦無注。今本有之。蓋明初坊間附以鄱陽鄒氏音釋。而今本夏書仍不附音。惟成化本尙有。宋本序後有真西山題跋。又載孔安國序一篇。漢書藝文志一條。孔穎達疏說一條。皆有注。後載書序亦有注。蓋集傳于書序亦如朱文公之攻詩序。逐條辨駁。後來書肆重刊。率爾削去。并前序所附者俱削之。良可浩歎。致淳祐中蔡氏子杭進表稱集傳六卷。小序一卷。朱熹問答一卷。繕寫成十二冊。云云。其問答一卷久佚。僅散見于董鼎書傳纂注中。自宋以來。張葆舒有蔡傳訂誤。黃景昌有蔡氏傳正誤。程直方有蔡傳辨疑。余苞舒有讀蔡傳疑。遞相詰難。及元延祐二年。議復貢舉。書用蔡氏。與古注疏並行。陳櫟初作書傳折衷。頗論蔡氏之失。迨法制既定。乃改作纂疏。以發明之。至明洪武十年。太祖與羣臣論蔡傳之失。二十七年。詔劉三吾等譏書傳會選。其所糾正凡六十六條。永樂中。胡廣等奉敕譏書傳大全。復端主蔡傳。定爲功令。以迄于今。蓋屢晦屢顯。究之淵原有自。以視陳澧禮記集說。胡安國春秋傳。可取實多。但累經坊刻。又失其真。是本爲吳中顧安道所藏。惜缺夏商二卷。嘗借讀而校之。經文如禹謨。降水。敝。予。不作。降。水。夔。夔。齋。栗。不作。齊。栗。益。稷。州。十。有。二。師。不作。有。十。泰。誓。無。辜。顓。天。不作。顓。天。武。成。師。逾。孟。津。不作。師。渡。金。縢。惟。朕。小。子。其。新。逆。不作。親。迎。酒。誥。又。惟。殷。之。迪。諸。臣。惟。工。不。

作百工。弗獨乃事。不作汝事。君夷。越我民罔尤遠。不作曰我。費誓。勿敢越逐。不作無敢。皆足以證今本之誤。集傳若堯典母歸傳引呂氏春秋。增多十九字。今考定武成一篇低一格。無傳。惟垂拱而天下治。後夾注十餘行。異同居多。又增多百餘字。其它字句之異者。更復不少。知今本皆爲後人刪改。是書與家藏宋刻易本義詩集傳。正堪並行。安得有力而好事者盡付諸梓。以還先儒舊觀。且以廣益天下後世之誦習也哉。

宋本毛詩跋

毛詩二十卷。宋刻本。首題監本纂圖重言重意互注點校毛詩卷第一。次低二格。題唐國子博士兼太子中允贈齊州刺史吳縣開國男陸德明釋文附。又次頂格。周南關雎詁訓傳第一。又次低一格。夾注釋文。後接毛詩國風。夾注釋文。接鄭氏箋。夾注釋文。次提行。關雎后妃之德也。起。每葉十二行。行十八字。凡重言重意互注俱用規識。凡釋文與傳箋相連。不加識別。與家藏宋本尙書體例略同。尙書乃蔡本小字。此則監本中等字。所謂監本者。當卽岳氏沿革例云監中現行本也。經義攷載有宋刻纂圖互注毛詩。當卽此本。惟彼前有毛詩舉要二十五圖。此但存毛詩圖譜。並不知何人所刻。宋時各經諸子皆有重言重意。蓋經生帖括之書。此本刻畫工整。紙墨精良。且原于監本。斯爲可貴。審其避諱。慎字缺筆。數字則否。殆是孝宗時刻者。因校對素所肄業之本。經文。邠風。終然允臧。不作終焉。衛風。如切如磋。不作如礪。遠兄弟。父母。不作父母兄弟。魏風。不我知者。不作知我。唐風。弗洒弗埽。不作弗掃。白石粼粼。不作粼粼。碩大且篤。不

作實大。秦風。賦彼晨風。不作賦彼。小雅。宜爾家室。不作室家。它山之石。不作他山。朔月辛卯。不作朔日。維
曰于仕。不作予仕。鞠爲茂草。不作鞠爲。亂如此。不如此。維暴之云。不作誰暴。有洌洌泉。不作有洌。我
藝黍稷。不作我藝。受天之祜。不作之祜。止于丘阿。不作止於。大雅。迺疆迺里。不作迺疆。溥彼涇舟。不作溥
彼。如珪如璋。不作如圭。鳳皇于飛。不作鳳凰。於乎小子。不作於呼。匪用爲教。不作爲用。周頌。婁豐年。不作
屢豐。商頌。來假來饗。不作來享。幅隕既長。不作幅隕。皆與唐石經及宋相臺本合。惟瑳字石經作磋。攷說
文有瑳無磋。此與相臺本並作瑳。爲是其傳箋之足證。今本之誤處尤多。附釋文亦多勝於今本。又書中
用朱筆點句。而于諱字則以朱筆規識。蓋猶是宋人書塾中課讀之本耳。

元本毛詩注疏跋

毛詩注疏二十卷。元刻大字本。向爲吳中黃蕘圃所收。云以白金十兩買諸五柳居書籍鋪者。偶爲友人
乾沒。余從其友人處出錢十千購得之。每葉十六行。行十八字。傳箋釋文及正義夾行。行二十五字。其款
式與向藏周易注疏符合。匡格亦約略相同。惟此附釋文。而夾注字密耳。按毛詩詁訓傳本二十卷。孔穎
達等作正義序。云四十卷。蓋每卷析爲二。唐書經籍志。宋史藝文志。崇文總目。文獻通攷。俱作四十卷。正
義原書與經注別行。後來合併。始於北宋之末。而毛詩又在南宋紹興初元。據山井鼎左傳攷文。引黃唐
禮記跋云。本司舊刻易書周禮正經注疏。萃見一書。便於披釋。它經獨闕。紹興辛亥。遂取毛詩禮記疏義。
如前三經彙編。精加讎正。云云。其初合時。尙無釋文。或又以詁訓傳有釋文之本彙刻。卽依其卷帙爲次。

故作二十卷，不依單刻正義本作四十卷。元人刻此，遂承宋刻二十卷之舊。第余所有十行本注疏，即沿革例所謂建本，有釋音注疏，則作七十卷，是又從四十卷妄分，相傳至今，猶夫宋本周易正義十三卷，今并爲十卷，禮記正義七十卷，今并爲六十三卷，春秋正義三十六卷，今分爲六十卷，五經正義，自尙書二十卷外，盡失其原。遂與端拱元年孔維等奉敕校勘孔穎達五經正義百八十卷之數不符。是本首題毛詩註疏卷第一，不注一之一二等字，次低二格夾行。唐國子祭酒上護軍曲阜縣開國子孔穎達奉勅撰次頂格。周南詁訓傳第一，夾注釋文畢，接正義二字，外加規識。次頂格。毛詩國風，夾注釋文正義，下接大書鄭氏箋，仍夾注釋文正義。此當是宋本舊式。明嘉靖以下刻本，無唐國子祭酒一條，即題毛詩國風，漢鄭氏箋。唐孔穎達疏，非也。凡傳箋雙行夾注，嘉靖以下本，改爲單行，上加注字，以黑圍之。又于傳下箋字，亦以黑圍。按攷文云，箋云二字，鄭氏之舊。所以別毛氏傳也。而後世諸本加黑圍者，亦失古意矣。又見明刻單注別本，并箋下云字去之者，更繆。凡傳箋下載釋文，俱加圓隔。其經文與向藏宋本毛詩合處居多，惟如切如磋，作如磋，歟彼晨風，作就彼，維曰于仕，作子仕，維暴之云，作誰暴，止于丘阿，作止於，如珪如璋，作如圭，於乎小子，作於呼，重刻致誤。其所由來者漸矣。注疏異同，約舉數端。召南甘棠，注箋云，茂，草舍也。明本箋云二字，誤在茂草舍也下。衛風定之方中，序傳戰於熒澤而敗，明本誤作榮澤。齊風載驅，箋以入魯竟，明本誤作魯境。魏風末，魏國七篇，八章，百二十句，十行本脫此一行。陳風東門之池，序以配君子也。下雙行小字。孔安國曰，滹水曰池，本是釋文。明本也下有注字，遂以釋文誤入注語。小雅十月之交，正義

而王基獨云以麻校之。十行本。校上誤衍十四字。大東正義。河鼓謂之牽牛。明本誤作何鼓。大雅洞酌正義。郭璞曰。今呼簪音修。飯爲餽。明本誤作簪者。按此卽郭注爾雅中之音。山井鼎云。宋版音脩二字白書。可證。周頌思文正義。又舜典云。帝曰契。黎民俎飢。汝后稷。播時百穀。注云。俎。讀曰阻。阻。厄也。明本誤作阻。飢。又誤作阻。讀曰俎。此與十行本合。可證。古文尙書段懋堂大令譌異中詳之。噫嘻箋。竟三十里者。一吏主之。於是民大事耕其私田。明本脫此二十字。蓋因上文使民疾耕發其私田致誤。今人校經。每以十行本爲祖。然其修補之葉居多。直至明正德止。故亦僞正德本。孰若此書元刻元印。並無修版。大字悅目。尤足寶貴也。

宋本周禮注跋

周禮注十二卷。宋刻小字本。附載音義。首題纂圖互注周禮卷第。次天官冢宰第一。夾注音義。下題周禮越格題鄭氏注。又次經文起。前列周禮篇目。次列圖說。凡三十五。每葉二十四行。行二十一字。注行二十五字。缺秋官冬官四卷。以余仁仲本補之。亦附音義。首題周禮卷第。次與纂圖本同。每葉二十行。行十七字。注行二十二字。余所見吾鄉吳氏拜經樓收藏宋刻巾箱本周禮纂圖互注。王蘭泉司寇有跋。大致與此刻同。而缺春夏二官。又見錢孫保舊藏宋本周禮注春官夏官冬官。余仁仲本天地二官。別一宋本秋官。以俗本鈔補。俱未若斯本之佳。前有玉蘭堂印。又古吳王氏及辛夷館印。又季振宜藏書印。蓋始爲文衡山。繼爲王雅宜藏。後歸季滄葦者。皆鑒賞名家。延令宋版書目。纂圖互注周禮十卷。疑卽此。又經義攷

載周禮附音重言重意互注十二卷。引繆泳云。元人所輯。並無證據。且與宋刻纂圖互注毛詩之目自相矛盾。此係宋刻。無卿以通行汲古閣本校之。經文。天官大宰。一曰邦甸之賦。不作郊甸。乃縣治象之濃于象魏。不作之法。小宰。斂弛之聯事。不作斂弛。贊玉幣爵之事。不作贊玉。膳夫。羞用百有二十品。不作百二。醫師有死瘍者。不脫有字。地官序官林衡。胥十有二人。不作有一。大司徒。則民不偷。不作不偷。小司徒。以辨其貴賤。老幼癘疾。不作癘疾。黨正。壹命齒于鄉里。不作一命。牛人。共其犒牛。不作犒牛。充人。展人。則告。輕。不作告。牲。肆長。掌其戒禁。不作戒令。草人。彌藥用蕢。不作彌藥。稻人。夏以水殄草而芟夷之。不作芟夷。春官序官天府。徒二十人。不作三十。小宗伯。賓客以時將贊果。不作贊禩。典瑞。以恤凶荒。不作以卹。世婦。凡王后有操事。不作操事。大司樂。尸出入。不作屍出。王大食三宿。不作三宿。小師。簫管弦歌。不作絃歌。瞽矇同。瞽師。凡祭祀。不作及祭。鍾師。被夏。不作被夏。典庸器。而設荀虞。不作荀虞。大祝。一曰稽首。不作稽首。都宗人。掌都祭祀之禮。不作宗祀。夏官大司馬。及表。乃正帥執事。不作帥執事。司弓矢。恆矢庫矢。不作庫矢。授兵甲之儀。不作兵至。職方氏。東南曰揚州。不作揚州。其川。滎雒。不作滎雒。其浸。盧維。不作盧維。余仁仲本。秋官序官犬人。徒十有六人。不作十六。赤友氏。不作赤友。衡枚氏。不作御枚。遂士。而糾其戒令。不作戒命。庭氏。與救月之矢夜射之。不作矢射。冬官矢人。參分其長而殺其一。不作而綱。前弱則勉。不作則僃。皆與唐石經合。其注之勝于今本尚多。茲不具述。余家藏宋刻纂圖互注詩書二經。今得此而三矣。